

Na osnovu člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 7/10), a u vezi sa članom 53. stav 2. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16 i 5/16), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, na 88. sjednici, održanoj 23.02.2017. godine, d o n o s i

ZAKLJUČAK

I.

Usvaja se Izvještaj o utrošku sredstava po Programu utroška sredstava od koncesija za 2016. godinu, Ministarstva za poljoprivredu, šumarstvo i vodoprivredu.

II.

Zaključak stupa na snagu danom donošenja.

Broj: 02-_____/17.
Datum, 23.02.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA OD KONCESIJA
ZA 2016. GODINU**

ZENICA, februar 2017. godine

Vlada Zeničko-dobojskog kantona je Zaključkom broj: 02-14-7053/16 od 29.03.2016. godine usvojila Program utroška sredstava od koncesija za 2016. godinu (u daljem tekstu: Program), kojim su planirana sredstva u iznosu od 120.000,00 KM (slovima: stotinudvadesethiljada konvertibilnih maraka). Navedena sredstva se prikupljaju od naknada za koncesije na vodama, koja pripadaju Ministarstvu za poljoprivredu, šumarstvo i vodoprivredu.

Zakonom o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16 i 5/16) u članu 53. stav (2) utvrđena je obaveza izvještavanja o utrošenim sredstvima po donesenom programu.

U vezi sa navedenim, Ministarstvo za poljoprivredu, šumarstvo i vodoprivredu je izradilo izvještaj o utrošku sredstava iz Programa.

1. Naziv projekta: Izrada studija o opravdanosti dodjele koncesija na vodama, za revitalizaciju izvorišta voda koja se mogu dati na koncesiju, za izradu potrebne projektne dokumentacije i za druge aktivnosti i stručne poslove koji se odnose na koncesije na vodama, kao i za finansiranje ili sufinansiranje projekata prema aplikacijama općina za ove namjene prema programima općina, uz prethodno odobrenje Vlade Zeničko-dobojskog kantona

Realizovano: Sa ciljem stvaranja zakonskih preduslova uslova za dodjelu koncesija na vodama, zatim poboljšanje stanja vodnih resursa koji se mogu dati na korištenje putem koncesije, Ministarstvo je zatražilo od općina da apliciraju za projekte ove namjene. Prema dostavljenim aplikacijama, u skladu sa Programom, Vlada Zeničko-dobojskog kantona je Zaključkom broj: 02-14-18866/16 od 15.11.2016. godine odobrila sredstva u iznosu od 30.000,00 KM za finansiranje izrade studijske dokumentacije, i to:

- Studija o ekonomskoj opravdanosti sa idejnim rješenjem MHE Grabovica na gradskom vodovodnom sistemu Olova;
- Studija o ekonomskoj opravdanosti sa idejnim rješenjem hidroenergetskog iskorištenja slivnog područja rijeke Očevije za potencijalu gradnju malih hidroelektrana, općina Vareš;

Ministarstvo je provelo postupak javne nabavke. U momentu izvještavanja u toku je žalbeni rok, nakon čega slijedi zaključenje ugovora. Najpovoljnije ponude iznose:

- Studija o ekonomskoj opravdanosti sa idejnim rješenjem MHE Grabovica na gradskom vodovodnom sistemu Olova 9.243,00 KM;
- Studija o ekonomskoj opravdanosti sa idejnim rješenjem hidroenergetskog iskorištenja slivnog područja rijeke Očevije za potencijalu gradnju malih hidroelektrana, općina Vareš 5.791,50 KM;

Prema tome, vrijednost izrade navedenih studija iznosi ukupno: 15.034,50 KM. U izvještajnom periodu nije bilo utroška sredstava po Programu, s tim da će navedena sredstva biti sastavni dio Programa utroška sredstava od koncesija za 2017. godinu.

Planirano: 120.000,00 KM

Ugovoreno: 0,00 KM

Utrošeno: 0,00 KM

Obradivač

Senada Dizdar

MINISTAR

Himzo Smajić